



Johannes Gjerstad
Gjerstad 31
5282 LONEVÅG

Referanser:
Dykkar:
Vår: 20/1350 - 21/12134

Saksbehandlar:
Martin Ivar Henden
Martin-Ivar.Henden@osteroy.kommune.no

Dato:
27.08.2021

29/7 - Svar på søknad om bygging av landbruksveg klasse 4 frå Hartveit til Hovden.

Administrativt vedtak:

Saknr: 271/21

Vedtak

«Med heimel i forskrift om planlegging og godkjenning av landbruksvegar §1 avslår Osterøy kommune søknad om bygging landbruksveg klasse 4. frå Hartveit til Hovden.

Avslaget blir grunngjeve med fleire kulturminne i området og at vegen kjem i direkte konflikt med automatisk freda kulturminne.

- Kulturlandskapsverdiar i området, samt og manglande vurdering av tiltaket sin påverknad på Lone vassdraget er og vektlagt i vedtaket.

- Avkøyring til Fylkesvegen på Hartveit krev godkjenning frå Statens Vegvesen som manglar i saka.»

Saksutgreiing:

Fakta.

Osterøy kommune syner til motteken søknad om bygging av 2150 meter skogsbilveg klasse 4 frå Hartveit til Hovden. Det er i tillegg til søknaden vist i vedlagt kart at det bør byggjast tilkomstveg til skogteigane på

gnr./bnr. 29/1 og 34/3. då det står mykje hogstmogen skog her. Denne sidevegen er i fylgje vedlagt kart ca. 900 meter lang.

Dekningsområde for vegen er oppgitt til 1260 daa med eit produktivt skogareal på 664 daa. Hogst mogen skog er oppgitt til 30 000 m³.

Før kommunen gjer vedtak, skal kommunen innhente naudsynnte fråsegner. Kommunen har i denne saka fått uttale frå Statsforvaltaren Vestland ved Miljøvernavdelinga og Vestland Fylkeskommune.

Vestland Fylkeskommune var i vår på synfaring av delar av vegen for å få avklart om tiltaket kjem i konflikt med automatisk freda kulturminne. Det går av deira vurdering fram at graden av konflikt med automatisk freda kulturminne er svært stor. Det blir i deira uttale vist til i alt 3 automatisk freda kulturminne som vegen kjem i konflikt med. Det blir vidare vist til at tiltaket frå P250 til P600 vil føre til store naturinngrep på landskapet og kulturlandskapet då vegen er bratt noko som fører store fyllingar. Då kart i søknaden manglar profilar får ikkje Fylkeskommunen vurdert det reelle terrenginngrepet i område med karakter av kulturlandskap. Det er heller ikkje vist stigning, med fylling og skjeringar.

Konklusjonen i deira uttale er at vegen frå P250 – P1100 ikkje kan byggjast utan omfattande dispensasjonar etter kulturminne lova. Dei rår frå at det vert gjeve løyve til bygging av vegen.

Statsforvaltaren Vestland skriv at det ikkje er tvil om store skogverdiar for dekningsområde til den planlagde vegen. Dei av ventar med å gje endeleg høyringsfråsegn då søknaden har manglar som er avgjerande for å kunne gje ein endeleg uttale i saka.

Det går ikkje fram av søknaden korleis ein har tenkt å hindre avrenning til vassdrag i samband med vegframføringa. I søknaden er verken Lonevassdraget som verna vassdrag eller viktig naturmangfald som elvemusling omtala. Dei kan heller ikkje å sjå av dokumenta kva areal som inngår i dekningsområdet til vegen jf. landbruksvegforskrifta § 2-3.

Det blir vidare vist til at langvarig nedbryting av hogstavfall kan gje stor avrenning av næringsemne, noko som kan vere uheldig for vasskvaliteten. Statsforvaltaren ønskjer å bistå med rettleiing slik at skogeigar kan få drive skogen her på ein god måte. Men for å gjere det treng dei meir informasjon om kva tiltak, metode og driftsform ein ønskjer å bruka for å unngå irreversible skadar på naturmangfaldet i nære nedbørsfelt til vassdraget.

Kommunen si vurdering.

Føremålet med forskrifta om bygging og planlegging av landbruksvegar er å sikre at planlegging og bygging skjer på ein slik måte at ein oppnår landbruksfaglege heilskapsløysingar. Det skal leggjast vekt på omsyn til miljøverdiar som naturmangfald, landskap, kulturminne og friluftsliv, omsyn til flaum fare, erosjon og lausmasseskred og eventuelt andre omsyn knytt til vegframføringa.

Det går fram av dei ulike høyringsuttalane i saka at bygging av vegen er problematisk då omsøkt arbeid kjem i på konflikt med automatisk freda kulturminne og miljøomsyn knytt til Lonevassdraget. Skred og flaumfare er heller ikkje vurdert anna ein at det i søknaden er kryssa av at vegtraseen ikkje ligg i område med fare for flaum, erosjon eller lausmasseskred.

Området har skogverdiar som kan forsvare kostnaden med bygging av vegen. Det er i søknaden likevel uklart kva kvantum som kan leggjast til grunn i dekningsområde for vegen då arealet ikkje er kartfesta. Omtalt sideveg i søknaden utgjer eit betydeleg del av det samla volumet. Det går ikkje fram av søknaden om eigar av skogteigane på gnr./bnr. 29/1 og 34/4 er med på veganlegget anna ein det står

at desse eigedomane bør vere med. Det utgjer ein betydeleg del av samla oppgitte hogstkvantumet som denne vegen vil gje tilkomst til.

Vurdering av naturmangfaldslova §§ 7-12.

Naturmangfaldslova §7 pålegg forvaltninga å legge til grunn prinsippa i §§8 -12 eksisterande kunnskap om landskap, økosystem, naturtypar og artar når det vert gjort vedtak som påverkar naturmangfaldet. Det er i denne saka søkt i naturbasen og skog og landskap sine kart grunnlag. Det er ikkje miljøregistreringar i skog der registrerte MIS-figur kjem i konflikt med vegframføringa. Kommunen har etter søk i naturbasen ikkje funne registrerte truga artar eller naturtypar i området. Vegbygging vil ofte ha uheldige konsekvensar for naturmangfaldet og naturmiljø. For å kunne vurdere vegen sin påverknad av kulturlandskapet er det vanskeleg utan profilar som syner fyllingar og skjeringar. Terrenget er bratt frå Pel 250 og kommunen vurdere det slik at bygging av ein skogsveg i klasse 4 vil føre til betydelege skjeringar fleire plassar på vegtraseen.

Lonevassdraget er eit verna vassdrag der det pågår eit omfattande arbeid for redde den truga elvemuslingen. Som det går fram av uttalen for Statsforvaltaren i Vestland må det gjerast greie for korleis ein vil hindre avrenning til vassdraget under anleggsarbeidet og hogst.

Kulturminne.

Vestland Fylkeskommune nemner i sin uttale 3 automatisk freda kulturminne som kjem i konflikt med vegen. Gravrøys ved gardsbyte mot Gjerstad, gravminne id 66441 og gravminne på vårstølen til bruk nr.2.

Det blir vist til Fylkeskommunen sine arkiv der plasseringa av gravhaugen på Litlerindsbakkane er relatert til gangvegen mellom Hartveit og Gjerstad, denne vegen har gått i frå Hartveit bruk 2 og nordover via stølen til kyrkja på Gjerstad.

Konklusjon.

Osterøy kommune finn å måtte avslå søknaden om bygging av veg til klasse 4. Kommunen grunngeir avslaget med at tiltaket kjem konflikt med formålsparagrafen i forskrift for bygging av landbruksvegar. Ein tenkjer her særleg på dei omsyn som skal leggjast vekt på som miljøverdiar, naturmangfald, landskap og kulturminne.

Osterøy kommune meiner at ei løysing kan verer å få vurdert moglegheiter for uttak av skogen ved taubane drifter. Slike drifter blir det gitt tilskott til og det bør vere mogleg å ta ut tømmeret på ein slik måte at ein ikkje kjem i konflikt med dei nemnde kulturminna. Omsyn til Lone vassdraget og kulturlandskapet vil ein og meine vert betre ivareteke med ei slik drift framfor veg bygging.

Klage.

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen, men Fylkesmannen i Vestland er klageinstans. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngeirast. Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b. Det er høve til å be om utsett iverksetjing, jf.

forvaltningslova § 42, 1. ledd. Part har rett til å sjå dokumenta i saka, jf. forvaltningslova § 27, 3. ledd, jf. §§ 18 og 19.

Med helsing

Hege Eeg
einingsleiar

Martin Ivar Henden
fagkonsulent landbruk

Brevet er godkjent elektronisk og har derfor inga underskrift.

Kopi til:

Fanagro AS	Brugata 6	5200	OS
Statsforvaltaren i Vestland		5020	BERGEN
Vestland Fylkeskommune	Postboks 7900	5020	BERGEN

Mottakar:

Johannes Gjerstad	Gjerstad 31	5282	LONEVÅG
-------------------	-------------	------	---------